



Javno preduzeće "Grijanje" d.o.o. Zenica, Bilmišće br. 107, 72 000 Zenica
telefon +387 32 423 097, fax +387 32 423 099
www.grijanjezenica.ba

Na osnovu člana 69. stav (1) tačka b) i (2) tačka d) i člana 70. stav (1) i (4) Zakona o javnim nabavkama Bosne i Hercegovine („Službeni glasnik BiH“ br. 39/14, 59/22 i 50/24), člana 37. Statuta Javnog preduzeća „Grijanje“ d.o.o. Zenica (u daljem tekstu: ugovorni organ) u skladu sa preporukom Komisije za nabavke u postupcima po konkurentskom zahtjevu za dostavu ponuda i za otvorene postupke nabavke za 2026. godinu broj: 8031/26 od 12.08.2026. godine, Uprava Javnog preduzeća „Grijanje“ d.o.o. Zenica, donosi

ODLUKU **o poništenju postupka javne nabavke**

I

Poništava se postupak javne nabavke robe – Mašine za građevinske radove, putem otvorenog postupka nabavke, Obavještenje o nabavci broj: 1091-1-1-141-3-26/26 od 15.07.2026. godine.

II

Ova odluka stupa na snagu danom donošenja i objavit će se na web stranici Javnog preduzeća "Grijanje" d.o.o. Zenica.

Obrazloženje

Dana 15.07.2026. godine Ugovorni organ sačinio je tendersku dokumentaciju broj: 7242/26 za nabavku robe – Mašine za građevinske radove, putem otvorenog postupka nabavke, procijenjene vrijednosti 130.000,00 KM, Obavještenje o nabavci broj: 1091-1-1-141-3-26/26 od 15.07.2026. godine objavljeno na portalu javnih nabavki: ejn.gov.ba.

Rok za dostavljanje ponuda je bio 10.08.2026. godine do 10:30 sati.

Dana 10.08.2026. godine u 11:00 sati, Komisija za nabavke u postupcima po konkurentskom zahtjevu za dostavu ponuda i za otvorene postupke nabavke je izvršila otvaranje blagovremeno dostavljenih ponuda, te konstatovala da su u roku za dostavljanje ponuda dostavljena jedna ponuda i to:

1. „TEIKOM BH“ d.o.o. Sarajevo, Plandište br. 1, 71210 Ilidža - Sarajevo sa ponudnom cijenom od 130.000,00 KM bez PDV-a.

Pregledom i provjerom dostavljene dokumentacije ponuđača „TEIKOM BH“ d.o.o. Sarajevo, Komisija za nabavke je utvrdila da ista nije u skladu sa zahtjevima iz tenderske dokumentacije, kako slijedi:

- dostavljeni Obrazac za ponudu (PRILOG I) nije potpisan na mjestu predviđenom za potpis od strane ovlaštene osobe ponuđača, odnosno od strane direktora Vladimira Spaića, što je u suprotnosti sa tačkom 4.1. Sadržaj i način pripreme ponude tenderske dokumentacije.

Shodno navedenom, ponuda ponuđača „TEIKOM BH“ d.o.o. Sarajevo, u skladu sa članom 2. Zakona o javnim nabavkama je ocijenjena kao nepravilna, jer nije u skladu sa tenderskom dokumentacijom, a slijedom toga je i neprihvatljiva, jer ne ispunjava kriterije za kvalifikaciju ponuđača.

Komisija za nabavke dala je preporuku ugovornom organu da u smislu člana 69. stav (1) tačka b) i stav (2) tačka d), te člana 70. stav (4) Zakona o javnim nabavkama da može donijeti Odluku o poništenju postupka za nabavku robe – Mašine za građevinske radove.

Shodno naprijed navedenom, donesena je odluka kao u dispozitivu.

PRAVNA POUKA: Protiv ove odluke može se izjaviti žalba Uredu za razmatranje žalbi Bosne i Hercegovine u dovoljnom broju primjeraka putem ugovornog organa, lično ili preporučenom poštom, u roku od **10 (deset) dana** od dana prijema iste.

Broj: 8032/26

Zenica, 12.08.2026. godine



2. Direktor

Pašalić Muhammed, Mr.dipl.ing.el.

DOSTAVITI :

1x Ponuđači – preporučeno poštom s povratnicom

1x Uprava preduzeća

1x Odjeljenje za kadrovske i opšte poslove